

ΜΑΡΚΟΥ ΤΥΛΛΙΟΥ ΚΙΚΕΡΩΝΟΣ

ΕΠΙΣΤΟΛΑΙ

ΑΙ ΠΡΟΣ ΔΙΔΑΣΚΑΛΙΑΝ ΕΝ ΤΟΙΣ ΓΥΜΝΑΣΙΟΙΣ ΥΠΟ ΤΟΥ ΥΠΟΥΡΓΕΙΟΥ ΘΡΙΣΜΕΝΑΙ

ΔΙΑ ΤΗΝ Ε' ΤΑΞΙΝ ΤΩΝ ΓΥΜΝΑΣΙΩΝ

ΥΠΟ

ΘΕΟΦΑΝΟΥΣ Α. ΚΑΚΡΙΔΗ

Έγκεκριμένον κατά τὸν νόμον 3438

ΕΚΔΟΣΙΣ ΤΕΤΑΡΤΗ

Τιμᾶται μετὰ τοῦ βιβλίου σήμου, καὶ φόρου δραχ. 6.10

Βιβλιόσημον καὶ Φόρος Ἀναγκαστ. Δανείου. δρ. 2.10

Ἄριθμός ἐγκριτικῆς ἀποφάσεως 37434

Ἄξιοθ. ἀδείας κυκλοφορίας. ————— 27156
————— 28—3—38



ΕΝ ΑΘΗΝΑΙΣ
ΒΙΒΛΙΟΠΩΛΕΙΟΝ ΤΗΣ "ΕΣΤΙΑΣ"
ΙΩΑΝΝΟΥ Δ. ΚΟΛΛΑΡΟΥ & ΣΙΑΣ Α. Ε.
46—Οδός Σταδίου—46

1938

ΜΑΡΚΟΥ ΤΥΛΛΙΟΥ ΚΙΚΕΡΩΝΟΣ

45266

ΕΠΙΣΤΟΛΑΙ

ΑΙ ΠΡΟΣ

ΔΙΔΑΣΚΑΛΙΑΝ ΕΝ ΤΟΙΣ ΓΥΜΝΑΣΙΟΙΣ ΥΠΟ ΤΟΥ ΥΠΟΥΡΓΕΙΟΥ ΘΡΗΣΜΕΝΑΙ

ΔΙΑ ΤΗΝ Ε' ΤΑΞΙΝ ΤΩΝ ΓΥΜΝΑΣΙΩΝ

ΕΠΙΜΕΛΕΙΑ

ΘΕΟΦΑΝΟΥΣ Α. ΚΑΚΡΙΔΗ

Έγκεκριμένον κατά τὸν Νόμον 3438

Αριθμὸς ἐγκυρικῆς ἀποφάσεως 37434
28/7/930

ΕΚΔΟΣ:

Αγ

ΒΙΒΛΙΟΧΑΡΤΟΠΩΛΕΙΟΝ
ΧΑΡ. ΚΑΛΚΑΙΡΙΝΟΥ
ΕΡΜΟΥ 97 - ΒΟΥΛΑΖΕΙΟΝ

273

ΔΕΚΑ

ΕΛΛΑΣ
ΒΙΒΛΙΟΧΑΡΤΟΠΩΛΕΙΟΝ
ΧΑΡ. ΚΑΛΚΑΙΡΙΝΟΥ
ΕΡΜΟΥ 97 - ΒΟΥΛΑΖΕΙΟΝ



ΕΝ ΑΘΗΝΑΙΣ

ΒΙΒΛΙΟΠΩΛΕΙΟΝ ΤΗΣ "ΕΣΤΙΑΣ",
ΙΩΑΝΝΟΥ Δ. ΚΟΛΛΑΡΟΥ & ΣΙΑΣ Α. Ε.
46—Οδὸς Σταδίου—46

1938

Τὰ γνήσια ἀντίτυπα φέρουν τὴν σφραγῖδα τοῦ
Βιβλιοπωλείου τῆς «Ἐστίας».



ΤΥΠΟΓΡΑΦΕΙΟΝ ΠΑΡΑΣΚΕΥΑ ΛΕΩΝΗ

αντα ιδιογνω στορογ
τοντω των επον.

M. TULLI CICERONIS EPISTULAE SELECTAE

I. (ad fam. II 4)

Scr. Romae a. U. 701 (53 a. Chr.)

CICERO S. D. C. CURIONI

Epistularum genera multa esse non ignoras, sed unum 1 illud certissimum, cuius causa inventa res ipsa est, ut certiores faceremus absentis, si quid esset, quod eos scire aut nostra aut ipsorum interesset. Huius generis litteras a me profecto non exspectas; tuarum enim rerum domesticos habes et scriptores et nuntios, in meis autem rebus nihil est sane novi. Reliqua sunt epistularum genera duo, quae me magnopere delectant, unum familiare et iocosum, alterum severum et grave. Utro me minus deceat uti, non intellego. Jocerne tecum per litteras? Civem mehercule non puto esse, qui temporibus his ridere possit. An gravius aliquid scribam? Quid est, quod possit graviter a Cicerone scribi ad Curionem nisi de re publica? Atqui in hoc genere haec mea causa est, ut neque ea, quae sentio, audeam, 2 neque ea, quae non sentio, velim scribere. Quam ob rem, quoniam mihi nullum scribendi argumentum relictum est, utar ea clausula, qua soleo, teque ad studium summae laudis cohortabor. Est enim tibi gravis adversaria constituta et parata incredibilis quaedam exspectatio; quam tu una re facilime vinges, si hoc statueris, quarum laudum gloriam adamaris, quibus ortibus eae laudes comparantur, in

iis esse laborandum. In hanc sententiam scriberem plura,
nisi te tua sponte satis incitatum esse confiderem; et hoc,
quicquid attigi, non feci inflammanti tui causa, sed testifi-
candi amoris mei.

2. (ad fam. II 5)

V V + *Scr. Romae a. 701 (53)*

CICERO S. D. C. CURIONI

1 Haec negotia quo modo se habeant, ne epistulam quidem narrare audeo. Tibi, etsi, ubicumque es, ut scripsi ad te ante, in eadem es navi, tamen, quod abes, gratulor vel quia non vides ea quae nos, vel quod excenso et inlustri loco sita est laus tua in plurimorum et cociorum et civium conspectu, quae ad nos nec obscuro nec vario sermone, sed et clariSSima et una omnium voce perfertur. Unum illud nescio, gratulerne tibi an timeam, quod mirabilis est exspectatio reditus tui, non quo verear, ne tua virtus opinioni hominum non respondeat, sed mehercule ne, cum veneris, non hadeas iam, quod cures; ita sunt omnia debilitata et iam prope extincta. Sed haec ipsa nescio rectene sint litteris commissa; quare cetera cognosces ex aliis. Tu tamen, sive habes aliquam spem de re publica sive desperas, ea para, meditare, cogita, quae esse in eo civi ac viro debent, qui sit rem publicam afflictam et oppressam miseris temporibus ac perditis moribus in veterem dignitatem et libertatem vindicaturus.

3. (ad fam. II 6)

V + + *Scr. Romae a. 701 (53)*

M. CICERO S. D. C. CURIONI

1 Nondum erat auditum te ad Italianam adventare, cum Sex. Villium, Milonis mei familiarem, cum his ad te litteris misi.

Sed tamen, cum appropinquare tuus adventus putaretur, et te iam ex Asia Romam versus profectum esse constaret, magnitudo rei fecit, ut non vereremur, ne nimis cito mittemus, cum has quam primum ad te perferri litteras magnopere vellemus. Ego, si mea in te essent officia solum, Curio, tanta, quanta magis a te ipsa praedicari quam a me ponderari solent, verecundius a te, si quae magna res mihi petenda esset, contenderem, grave est enim homini pudenti petere aliquid magnum ab eo, de quo se bene meritum putet, ne id, quod petat, exigere magis quam rogare et in mercedis potius quam beneficij loco numerare videatur. Sed, quia tua in me vel nota omnibus vel ipsa novitate meorum temporum clarissima et maxima beneficia extiterunt, estque animi ingenui, cui multum debeas, eidem plurimum velle deberre, non dubitavi id a te per litteras petere, quod mihi omnium esset maximum maximeque necessarium. Neque enim sum veritus, ne sustinere tua in me vel innumerabilia non possem, cum praesertim confiderem nullam esse gratiam tantam, quam non vel capere animus meus in accipiendo vel in remunerando cumulare atque illustrare posset.

Ego omnia mea studia, omnem operam, curam, industriam, cogitationem, mentem denique omnem in Milonis consulatu fixi et locavi statuque in eo me non officij solum fructum, sed etiam pietatis laudem debere quaerere; neque vero cuiquam salutem ac fortunas, suas tantae curae fuisse umquam puto, quantae mihi sit honos eius, in quo omnia mea posita esse decrevi. Huic te unum tanto adiumento esse, si volueris posse intellego, ut nihil sit praeterea nobis requirendum. Habemus haec omnia, bonorum studium conciliatum ex tribunatu propter nostram, ut spero te intelligere, causam, vulgi ac multitudinis propter magnificentiam munerum liberalitatemque naturae, iuventutis et gratiosorum in suffragiis studia propter ipsius excellentem in eo generē vel gratiam vel diligentiam, nostram suffragatio-

nem, si minus potentem, at probatam tamen et iustum et
 debitam et propterea fortasse etiam gratiosam Dux nobis et
 auctor opus est et eorum ventorum, quos proposui, moderator
 quidam et quasi gubernator. Qui si ex omnibus unus optan-
 dus esset, quem tecum conferre possemus, non haberemus.
 Quam ob rem si me memorem, si gratum, si bonum virum
 vel ex hoc ipso, quod tam vehementer de Milone labore, +
 existimare potes, si dignum denique tuis beneficiis iudicas,
 hoc a te peto, ut subvenias huic meae sollicitudini et huic
 meae laudi vel, ut verius dicam, prope saluti tuum studium
 dices. De ipso T. Annio tantum tibi polliceor, te maioris
 animi, gravitatis, constantiae benevolentiaeque erga te, si
 complecti hominem volueras habiturum esse neminem;
 mihi vero tantum decoris, tantum dignitatis adiunixeris, et
 eundem te facile adgnoscam fuisse in laude mea, qui fue-
 ris in salute. Ego ni te videre scirem, cum ad te haec
 scriberem, quantum officii sustinerem, quanto opere mihi
 esse in hac petitione Milonis omni non modo contentionē,
 sed etiam dimicatione elaborandum, plura scriberem; nunc
 tibi omnem rem atque causam meque totum commendō
 atque trado. Unum hoc sic habeto, si a te hanc rem impe-
 traro, me paene plus tibi quam ipsi Miloni debitum;
 non enim mihi tam mea salus cara fuit, in qua praecipue
 sum ab illo adiutus, quam pietas erit in referenda gratia
 iucunda; eam autem unius tuo studio me adsequi posse
 confido.

4. (ad fam. IV 4)

Scr. Romae ex. m. Sept. aut in Oct. a. 708 (46)

M. CICERO S. D. SER. SULPICIO

Accipio excusationem tuam, qua usus es, cur saepius¹ ad me litteras uno exemplo dedisses, sed accipio ex ea parte, quatenus aut neglegentia aut improbitate eorum, qui epistulas accipient, fieri scribis, ne ad nos perferantur; illam partem excusationis, qua te scribis «orationis paupertate» (sic enim appellas) isdem verbis epistulas saepius mittere, nec nosco nec probo, et ego ipse, quem tu per iocum (sic enim accipio) «divitias orationis» habere dicis, me non esse verborum admodum inopem agnosco (εἰδωνεύεσθαι enim non necesse est), sed tamen idem (nec hoc εἰδωνεύομενος) facile cedo tuorum scriptorum subtilitati et elegantiae.

Consilium tuum, quo te usum scribis hoc Achaicum² negotium non recusavisse, cum semper probavisses, tum multo magis probavi lectis tuis proximis litteris; omnes enim causae, quas commemoras iustissimae sunt tuaque et auctoritate et prudentia dignissimae. Quod aliter cecidisse rem existimas, atque opinatus sis, id tibi nullo modo adsentior; sed, quia tanta perturbatio et confusio est rerum, ita perculta et prostrata foedissimo bello iacent omnia, ut is cuique locus, ubi ipse sit, minime iucundus sit et sibi quisque miserrimus esse videatur, propterea et tui consilii paenitet te, et nos, qui domi sumus, tibi beati videmur; at contra nobis non tu quidem vacuus molestiis, sed prae-

nobis beatus. Atque hoc ipso melior est tua quam nostra condicio, quod tu, quid doleat, scribere audes, nos ne id quidem tuto possumus, nec id victoris vitio, quo nihil moderatius, sed ipsius Victoriae, quae civilibus bellis semper est insolens.

3 Uno te vicimus, quod de Marcelli, collegae tui, salute paulo ante quam tu cognovimus, etiam mehercule quod, quem ad modum ea res ageretur, vidimus. Nam sic fac existimes, post has miserias, id est postquam armis disceptari coeptum sit de iure publico, nihil esse actum aliud cum dignitate. Nam ei ipse Caesar accusata «acerbitate» Marcelli (sic enim appellabat) laudataque honorificentissime et aequitate tua et prudentia repente praeter spem dixit se senatui roganti de Marcello ne ominis quidem causa negaturum. Fecerat autem hoc senatus, ut, cum a L. Pisone mentio esset facta de M. Marcello et C. Marcellus se ad Caesaris pedes abiecisset, cunctus consurgeret et ad Caesarem supplex accederet. Noli quaerere; ita mihi pulcher hic dies visus est, ut speciem aliquam viderer videre quasi reviviscentis rei publicae. Itaque, cum omnes ante me rogati gratias Caesari egissent praeter Volcaciūm (is enim, si eo loco esset, negavit, se facturum fuisse), ego rogatus mutavi meum consilium. Nam statueram non mehercule inertia, sed desiderio pristinae dignitatis in perpetuum tacere. Fregit hoc meum consilium et Caesaris magnitudo animi et senatus officium; itaque pluribus verbis egi Caesari gratias, meque metuo ne etiam in ceteris rebus honesto otio privarim, quod erat unum solacium in malis. Sed tamen, quoniam effugi eius offenditionem, qui fortasse arbitraretur me hanc rem publicam non putare, si perpetuo tacerem, modice hoc faciam aut etiam intra modum, ut et illius voluntati et meis studiis serviam. Nam, etsi a prima aetate me omnis ars et doctrina liberalis et maxime philosophia delectavit, tamen hoc studium cotidie ingravescit, credo, et aetatis maturitate ad prudentiam et iis temporum

vitiis, ut nulla res alia levare animum molestiis possit. 5
 A quo studio te abduci negotiis intellego ex tuis litteris,
 sed tamen aliquid iam noctes te adiuvabunt.

Servius tuus vel potius noster summa me observantia colit; cuius ego cum omni probitate summaque virtute tum studiis doctrinaque delector. Is mecum saepe de tua mansione aut decessione communicat. Adhuc in hac sum sententia, nihil ut faciamus, nisi quod maxime Caesar velle videatur. Res sunt eius modi, ut, si Romae sis, nihil praeter tuos delectare possit. De reliquis nihil melius ipso est Caesare, cetera sunt eius modi, ut, si alterum utrum necesse sit, audire ea malis quam videre. Hoc nostrum consilium nobis minime iucundum est, qui te videre cupimus, sed consulimus tibi. Vale.

(5. ad fam. V 7)

Scr. Romae m. April. a. 692 (62)

M. TULLIUS M. F. CICERO S D. GN. POMPEIO

GN. F. MAGNO IMPERATORI

S. T. E. Q. V .B. E. Ex litteris tuis, quas publice misisti, 1
 cepi una cum omnibus incredibilem voluptatem; tantam enim spem otii ostendisti, quantam ego semper omnibus te uno fatus polliciebar. Sed hoc scito, tuos veteres hostes, novos amicos vehementer litteris percuslos atque ex magna spe deturbatos iacere. Ad me autem litteras quas misisti, 2
 quamquam exiguum significationem tuae erga me voluntatis

habebant, tamen mihi scito iucundas fuisse ; nulla enim re tam laetari soleo quam meorum officiorum conscientia ; qui bus si quando non mutue respondetur, apud me plus officii residere facillime patior. Illud non dubito, quin, si te mea summa erga te studia parum mihi adiunxerint, res publica nos inter nos conciliatura coniuncturaque sit. Ac ne ignores, quid ego in tuis litteris desiderarim, scribam aper te, sicut et mea natura et nostra amicitia postulat. Res eas gessi, quarum aliquam in tuis litteris et nostrae necessitudinis et rei publicae causa gratulationem exspectavi ; quam ego abs te praetermissam esse arbitror, quod vererere, ne cuius animum offenderes. Sed scito ea, quae nos pro salute patriae gessimus, orbis terrae iudicio ac testimonio comprobari ; quae, cum veneris, tanto consilio tantaque animi magnitudine a me gesta esse cognosces, ut tibi multo maior, quam Africanus fuit, me non multo minorem quam Laelium, facile et in re publica et in amicitia adiunctum esse patiare.

6. (ad fam. XIV 2)

Scr. Thessalonicae a. d. III Non. Oct. a. 696 (58)

TULLIUS S. D. TERENTIAE SUAE ET TULLIOLAE
ET CICERONI SUIS

Noli putare me ad quaemquam longiores epistulas scri-¹
bere, nisi si quis ad me plura scripsit, cui puto describi oportere ; nec enim habeo, quid scribam, nec hoc tempore quicquam difficilius facio ; ad te vero et ad nostram Tulliolam non queo sine plurimis lacrimis scribere ; vos enim video esse miserrimas, quas ego beatissimas semper esse volui, idque praestare debui et, nisi tam timidi fuissemus, praestissem. Pisonem merito eius amo plurimum. Eum, ut potui,² per litteras cohortatus sum gratiasque egi, ut debui. In novis tribunis plebei intellego spem te habere. Id erit firmum, si Pompei voluntas erit ; sed Crassum tamen metuo. A te quidem omnia fieri fortissime et amantissime video nec miror, sed maereo casum eius modi, ut tantis tuis miseris meae miseriae subleventur. Nam ad me P. Valerius, homo officiosus, scripsit, id quod ego maximo cum fletu legi, quem ad modum a Vestae ad tabulam Valeriam ducta essem. Hem, mea lux, meum desiderium, unde omnes opem petere solebant, te nunc, mea Terentia, sic vexari, sic iacere in lacrimis et sordibus ! idque fieri mea culpa, qui ceteros servavi, ut nos periremus.

Quod de domo scribis, hoc est de area, ego vero tum³ denique mihi videbor restitutus, si illa nobis erit restituta.

Verum haec non sunt in nostra manu ; illud doleo, quae
 impensa facienda est, in eius partem te miseram et despolia-
 tam venire. Quodsi conficitur negotium, omnia conseque-
 mur ; sin eadem nos fortuna premet, etiamne reliquias tuas,
 misera ! proicies ? Obsecro te, mea vita, quod ad sumptum
 attinet, sine alios, qui possunt, si modo volunt, sustinere et
 valetudinem istam infirmam, si me amas, noli vexare. Nam
 mihi ante oculos dies noctesque versaris ; omnes labores te
 excipere video ; timeo ut sustineas. Sed video in te esse
 4 omnia. Quare, ut id, quod speras et quod agis, consequam-
 ur, servi valetudini. Ego, ad quos scribam, nescio, nisi ad
 eos, qui ad me scribunt, aut ad eos, de quibus ad me vos
 aliquid scribitis. Longius, quoniam ita vobis placet, non
 discedam ; sed velim quam saepissime litteras mittatis, pae-
 sertim si quid est firmius, quod speremus. Valete, mea desi-
 deria, valete. D. a. d. III. Non. Oct. Thessalonica.

7. (ad Att. III 7)

*Scr. Brundisii pridie Calendas
 Maias a. 696 (58)*

CICERO ATTICO SAL

1 Brundisium veni a d. XIII Cal. Maias ; eo die pueri
 tui mihi a te litteras reddiderunt, et alii pueri post diem
 tertium eius dici alias litteras attulerant. Quod me rogas et
 hortaris, ut apud te in Epiro sim, voluntas tua mihi valde
 grata est et minime nova ; esset consilium mihi quidem

optatum, si liceret ibi omne tempus consumere—odi enim celebritatem, fugio homines, lucem aspicere vix possum—: esset mihi ista solitudo, praesertim tam familiari in loco, non amara ; sed, itineris causa ut deverterer, primum est devium, deinde ab Autonio et ceteris quadridui, deinde sine te : nam castellum munitum habitanti mihi prodesset, trans-eunti non est necessarium. Quod si auderem, Athenas peterem —sane ita cadebat, ut vellem —; nunc et nostri hostes ibi sunt et te non habemus et veremur, ne interpretentur illud quoque oppidum ab Italia non satis abesse, nec scribis, quam ad diem te exspectemus. Quod me ad vi-² tam vocas, unum effecis, ut a me manus abstineam, alterum non potes, ut me non nostri consilii vitaeque paeniteat ; quid enim est, quod me retineat, praesertim si spes ea non est, quae nos proficiscentes prosequebatur ? non faciam, ut enumerez miserias omnes, in quas incidi per summam iniuriam et scelus non tam inimicorum meorum quam invidorum, ne et meum maerorem exagitem et te in eundem luctum vocem: hoc affirmo, neminem umquam tanta calamitate esse effectum, nemini mortem magis optandam fuisse, cuius oppetenda tempus honestissimum praetermissum est, reliqua tempora sunt non tam ad medicinam quam ad finem doloris. ³ De re publica video te colligere omnia, quae putas aliquam spem mihi posse affere mutandarum rerum ; quae, quamquam exigua sunt, tamen quoniam placet, exspectemus. Tu nihil minus, si properaris, nos consequere ; nam aut accedemus in Epirum aut tarde per Candaviam ibimus. Dubitationem autem de Epiro non inconstantia nostra adferrebat, sed quod de fratre, ubi eum visuri essemus, nesciebamus ; quem quidem ego nec *quo modo* visurus nec *ut* dimissurus sim, scio ; id est maximum et miserrimum mearum omnium miseriarum. Ego et saepius ad te et plura scriberem nisi mihi dolor meus cum omnes partes mentis, tum maxime huius generis facultatem ademisset : videre te cupio. Cura, ut valeas. Data pr. Cal. Maias Brundisi.

Scr. Laodiceae III Nonas Sextiles a. 703 (51)

CICERO ATTICO SAL

1 Laodiceam veni pridie Cal. Sextiles ; ex hoc die clavum anni movebis. Nihil exoptatius adventu meo, nihil carius; sed est incredibile, quam me negotii taedeat ; non habeat satis magnum campum ille tibi non ignotus cursus animi et industriae meae, praeclera opera cesseret : quippe, ius Laodiceae me dicere, cum Romae A. Plotius dicat, et, cum exercitum noster amicus habeat tantum, me nomen habere duarum legionum exilium ! Denique haec non desidero, lucem, forum, urbem, domum, vos desidero. Sed feram, ut potero, sit modo annum, si prorogatur, actum est ; verum perfascile resisti potest, tu modo Romae sis. Quaeris, quid hic agam. Ita vivam, ut maximos sumptus facio. Mirifice delector hoc instituto : admirabilis abstinentia ex praecepsitis tuis, ut verear, ne illud, quod tecum permutevi, versura mihi solvendum sit. Appii vulnera non refrico, sed apparent 2 nec oculi possunt. Iter Laodicea faciebam a. d. III Non. Sextiles, cum has litteras dabam, in castra in Lycaoniam ; inde ad Taurum cogitabam, ut cum Moeragene signis collatis, si possem, de servo tuo deciderem. *Clitellae bovi sunt impositae ; plane non est nostrum onus :* et feremus, modo sit annum : si me amas, si te a me amari vis, adsis tu ad tempus, ut senatum totum excites. Mirifice sollicitus sum, quod iamdiu ignota sunt mihi ista omnia : quare, ut ad te ante scripsi, cum cetera, tum res publica cura ut mihi nota

sit. Plura scribam, cum constitero ; haec sciebam tarde tibi redditum iri, sed dabam familiari homini ac domestico, C. Andronico Puteolano : Tu autem saepe dare tabellariis publicanorum poteris per magistros scripturae et portus nostrarum dioecesium.

9. (ad Att. VI 9)

Scr. Athenis Idibus Octobribus a. 704 (50)

CICERO ATTICO SAL

In Piraeaa cum exissem pridie Idus Octobr., accepi ab 1 Acasto, servo meo, statim tuas litteras, quas quidem cum exspectassem iamdiu, admiratus sum, ut vidi obsignatam epistulam, brevitatem eius, ut aperui rursus σύγχριν litterarum, quae solent tuae compositissimae et clarissimae esse, ac, ne multa, cognovi ex eo, quod ita scripseras, te Romanam venisse a. d. XII Cal. Oct. cum febri. Percussus vehementer nec magis quam debui, statim quaero ex Acasto : ille et tibi et sibi visum et ita se domi ex tuis audisse, ut nihil esset incommode. Id videbatur adprobare, quod erat in extremo, febriculam tūm te habentem scripsisse ; sed deamavi tamen admiratusque sum, quod nihilo minus ad me tua manu scripsisses. Quare de hoc satis ; spero enim, quae tua prudentia et temperantia est, *et hercule*, ut me iubet Acastus, confido te iam, ut volumus, valere. A. Turranio te accepisse meas litteras gaudes. Πα- 2 φαρύλαξον, si me amas, τὴν τοῦ φωνατοῦ φιλοτιμίαν αὐτότατα. Hanc, quae mehercule mihi magno dolori est (dilexi enim

hominem) procura, quantulacumque est, Precianam hereditatem prorsus ille ne attingat; dices nummos mihi opus esse ad apparatum triumphi, in quo, ut praecipis, nec me κενὸν in expetendo cognosces, nec ὄτυφον in abjiciendo. Intellexi ex tuis litteris te ex Turranio audisse a me provinciam
 3 fratri traditam. Adeon ego non perspexeram prudentiam litterarum tuarum? Απέχειν te scribebas; quid erat dubitatione dignum, si esset quidquam, cur placeret fratrem, et tales fratrem relinqui? Αθέτησις ista mihi tua, non ἐποζὴ videbatur. Monebas de Q. Cicerone puero, ut eum quidem neutiquam relinquerem. Τοῦμὸν δύνεισον ἔμοι. Eadem omnia, quasi collocuti essemus, vidimus; non fuit faciendum aliter meque ἐπιχρονία ἐποζὴ tua dubitatione liberavit. Sed puto te
 4 accepisse de hac re epistulam scriptam accuratius. Ego tabellarios postero die ad vos eram missurus, quos puto ante venturos quam nostrum Saufeium; sed eum sine meis litteris ad te venire vix rectum erat. Tu mihi, ut polliceris, de Tulliola mea, id est de Dolabella, perscribes, de re publica, quam praevideo in summis periculis, de censoribus, maximeque de signis, tabulis quid fiat, referaturne. Idibus Octo bribris has dedi litteras, quo die, ut scribis, Caesar Placentiam legiones quattuor. Quaeso, quid nobis futurum est? In arce Athenis statio mea nunc placet.

10. (ad Att. VII 9)

*Scr. in Formiano exeunte mense Decembri**(post VI Cal. Jan.) a. 704 (50)*

CICERO ATTICO SAL

«Cotidiene», inquis. «a te accipiendae litterae sunt?» Si habebo, cui dem, cotidie. «At iam ipse ades». Tum igitur, cum venero, desinam. Unas video mihi a te non esse reditas, quas L. Quintius, familiaris meus, cum ferret, ad bustum Basili vulneratus et despoliatus est. Videbis igitur, ² num quid fuerit in iis, quod me scire opus sit, et simul hoc διευκρινήσεις πρόβλημα sane πολιτικόν; cum sit necesse aut haberi Caesaris rationem illo exercitum vel per senatum vel per tribunos pl. obtinente aut persuaderi Caesari, ut tradat provinciam atque exercitum et ita consul fiat, aut, si id ei non persuadeatur, haberi comitia sine illius ratione illo patiente atque obtinente provinciam, aut, si per tribunos pl. non patiatur *et* tamen quiescat, rem adduci ad interregnum, aut, si ob eam causam, quod ratio eius non habeatur, exercitum adducat, armis cum eo contendere, illum autem initium facere armorum aut statim nobis minus paratis aut tum, cum comitiis amicis eius postulantibus, ut e lege ratio habeatur, impetratum non sit, ire autem ad arma aut hanc unam ob causam quod ratio non habeatur, aut addita causa, si forte

tribunus pl. senatum impediens aut populum incitans no-tatus aut senatus consulto circumscriptus aut sublatus aut expulsus sit dicensve se expulsum ad illum confugerit, suscep-to autem bello aut tenenda sit urbs aut ea relicta ille commeatu et reliquis copiis intercludendus— quod horum malorum, quorum aliquod certe subeundum est, minimum 3 putes Dices profecto persuaderi illi, ut tradat exercitum et ita consul fiat. Est omnino id eius modi, ut, si ille eo des-cendant, contra dici nihil possit, idque eum, si non obtinet, ut ratio habeatur rentinetis exercitum, non facere miror ; nobis autem, ut quidam putant, nihil est timendum magis quam ille consul. «At sic malo», inquies, «quam cum exer-citu». Certe ; sed istud ipsum *sic malo* magnum malum pu-tat aliquis neque ei remedium est ullum. «Cedendum est, si id volet». Vide consulem illum iterum, quem, vidisti con-sulatu priore. «At tum imbecillus plus», inquis, «valuit quam tota res publica». Quid nunc putas ? et eo consule Pompeio certum est esse in Hispania. O rem miseram ! si quidem id ipsum deterrium est, quod recusari non potest et quod ille si faciat, iamiam *a bonis omnibus* summam ineat gratiam.

4 Tollamus igitur hoc, quo illum posse adduci negant ; de reliquis quid est deterrium ? concedere illi, quod, ut idem dicit, impudentissime postulat. Nam quid impudentius ? te-nuisti provinciam per annos decem non tibi a senatu, sed a te ipso per vim et per factionem datos ; praeteriit tempus non legis, sed libidinis tuae, fac tamen legis : ut succedatur, decernitur ; impedis et ais : «Habe meam rationem». Habe tu nostram : exercitum tu habeas diutius, quam populus ius-sit, invito senatu ? «Depugnes oportet, nisi concedis». Cum bona quidem spe, ut ait idem vel vincendi vel in libertate moriendi. Iam, si pugnandum est, quo tempore, in casu, quo consilio, in temporibus situm est. Itaque te in ea quaes-tione non exerceo ; ad ea, quae dixi, adfer, si quid habes. Evidem dies noctesque torqueor.

11. (ad Att. XIII 52)

*Scr. in Puteolano a. d. XII Calendas
Januarias a. 709 (45)*

CICERO ATTICO SAL.

O hospitem mihi tam gravem ἀμεταμέλητον ! fuit enim 1
periucunde. Sed, cum secundis Saturnalibus ad Philippum
vesperi venisset, villa ita completa a militibus est, ut vix
triclinium, ubi cenaturus ipse Caesar esset, vacaret, quippe
hominum ΚΙΓΚΙΓ. Sane sum commotus, quid futurum esset
postridie ; at mihi Barba Cassius subvenit, custodes de-
dit ; castra in agro, villa defensa est. Ille tertiiis Saturnali-
bus apud Philippum ad. h. VII, nec quemquam admisit : ra-
tiones, opinor, cum Balbo. Inde ambulavit in litore ; post h.
VIII in balneum. Tum audivit de Mamurra ; vultum non
mutavit. Unctus est, accubuit. Ἐμετικὴν agebat ; itaque et
edit et bibit ἀδεῶς ; et iucunde ; opipare sane et appareat,
nec id solum, sed

bene cocto et
condito, sermone bono et, si quaeris, libenter.

Praeterea tribus tricliniis accepti οἱ περὶ αὐτὸν valde copiose : 2
libertis minus lautis servisque nihil defuit, nam lautiores
eleganter accepi : quid multa ? homines visi sumus. Hospes
tamen non is, quo dices : «amabo te, eodem ad me, cum
revertere» semel satis est. Σπουδαῖον οὐδὲν in sermone, φι-
λόλογα multa. Quid quaeris ? delectatus est et libenter fuit.
Puteolis se aiebat unum diem fore, alterum ad Baias. Habes

hospitium sive ἐπισταθμείαν, odiosam mihi, dixi, non molestam. Ego paulisper hic, deinde in Tusculanum Dolabellae villam cum praeteriret, omnis armatorum copia dextra sinistra ad equum nec usquam alibi : hoc ex Nicia.

12. (ad Att. XIV 10)

*Scr. in Puteolano a. d. XIII Calendas
Maias a 710 (44)*

CICERO ATTICO SAL

1 Itane vero ? hoc meus et tuus Brutus egit, ut Lanuvii esset, ut Trebonius itineribus deviis proficiseretur in provinciam, ut omnia facta, scripta, dicta, promissa, cogitata Caesaris plus valerent, quam si ipse viveret ? Meministine me clamare illo ipso primo Capitolino die senatum in Capitolium a praetoribus vocari ? di immortales ! quae tum opera effici potuerunt, laetantibus omnibus bonis, etiam sat bonis, fractis latronibus ! Liberalia tu accusas. Quid fieri tum potuit ? iampridem perieramus. Meministine te clamare causam perisse, si funere elatus esset ? At ille etiam in foro combustus laudatusque miserabiliter servique et egentes in tecta nostra cum facibus inmissi. Quae deinde ? ut audeant dicere : «Tunc contra Caesaris nutum ?» Haec et alia ferre non possum ; itaque γῆν πρὸ γῆς cogito ; tua tamen ὑπηρέταιος. Nausea iamne plane abiit ? mihi quidem ex tuis litteris coniectanti ita videbatur. Redeo ad Tebassos, Scaevas, Frangones : hos tu existimas confidere se illa habituros stantibus nobis ? in quibus plus virtutis putarunt, quam

experti sunt? Pacis isti scilicet amatores et non latrociniⁱⁱ auctores. At ego, cum tibi de Curtilio scripsi Sextilianaque fundo, scripsi de Censorino, de Messalla, de Planco, de Postumo, de genere toto. Melius fuit nobis perisse ille interfectorum —quod nunquam accidisset—quam haec videre. Octavius Neapolim venit XIII Cal. Ibi eum Balbus mane postridie, eodemque die mecum in Cumano, illum hereditatem aditum. Sed, ut scribis, ὁ ἔσθε μν̄ magnam cum Antonio. Butthrotia milii tua res est, ut debet, eritque curae. Quod quae-
ris, iamne ad centena Cluvianum, adventare videtur: scili-
cet primo anno LXXX detersimus. Quintus pater ad me gra-
via de filio, maxime quod matri nunc indulget, cui antea
bene merenti fuerit inimicus: ardentes in eum litteras ad
me misit. Ille autem quid agat, si scis nequedum Roma es
profectus, scribas ad me velim et hercule, si quid aliud:
vehementer delector tuis litteris.

13. (ad Att. XVI 4)

*Scr. in Puteolano a. d. VI Idus
Quintiles a. 710 (44)*

CICERO ATTICO SAL.

Ita, ut heri tibi narravi vel fortasse hodie (Quintus enim altero die se aiebat) in Nesida VIII Idus. Ibi Brutus. Quam ille doluit de NONIS IULIIS! mirifice est conturbatus. Itaque sesē scripturum aiebat, ut venationem eam, quae postridie ludos Apollinares, futura est, proscriverent *in III IDUS*

QUINTILES. Libo intervenit. Is Philonem, Pompei libertum, et Hilarum, suum libertum, venisse a Sexto cum litteris ad consules sive quo alio nomine sunt. Earum exemplum nobis legit, si quid videretur. Pauca παρὰ λέξιν, ceteroqui et satis graviter et non contumaciter. Tantum addi placuit, quod erat COSS. solum, ut esset PRAETT. TRIBB. PL. SE-
 2 NATVI, ne illi non proferrent eas, quae ad ipsos missae es-
 sent. Sextum autem nuntiant cum una solum legione fuisse Carthagine, eique eo ipso die, quo oppidum Baream cepisset, nuntiatum esse de Caesare, capto oppido miram laeti-
 tiam commulationemque, animorum concussumque undique; sed illum ad sex legiones, quas in ulteriore reliquisset, re-
 vertisse. Ad ipsum autem Libonem scripsit nihil esse, nisi
 3 ad larem suum liceret. Summa postulatorum, ut omnes exer-
 citus dimittantur, qui ubique sint. Haec fere de Sexto. De Buthrotiis undique quaerens nihil reperiebam. Alii concisos agripetas, alii Plancum acceptis nummis relictis illis aufu-
 gisse. Itaque non video sciturum me, quid eius sit, ni sta-
 4 tim aliquid litterarum. Iter illud Brundisium, de quo dubita-
 bam, sublatum videtur. Legiones enim adventare dicuntur.
 Haec autem navigatio habet quasdam suspiciones periculi.
 Itaque constituebam uti δμοπλοί. Parationem enim offendi Brutum, quam audiebam: nam et ipse et Domitius bona plane habet dicrota suntque navigia praeterea luculenta Sesti, Buciliani, ceterorum; nam Cassi classem, quae plane bella est, non numero ultra fretum. Illud est mihi submo-
 leustum, quod parum Brutus properare videtur. Primum confectorum ludorum nuntios exspectat; deinde, quan-
 tum intelego, tarde est navigaturus consistens in locis plu-
 ribus. Tamen arbitror esse commodius tarde navigare quam omnino non navigare; et, si, cum processerimus, explora-
 tiora videbuntur, etesiis utemur.

2045
fb

523
—
1605